

आकाशवाणी जयपुर—अजमेर  
प्रादेशिक समाचार  
दिनांक : 11.01.2026 समय : 18.45 बजे

- प्रधानमंत्री नरेन्द्र मोदी फुट डालबा वाळां ने हराबा खातर लोगां सूं एकजुट रहबा री करज करीं
- जयपुर मांय सेना दिवस परेड री फुल ड्रेस रिहर्सल रा दूजा दिन भारतीय सेना री जर्मीं, आकाश अर तकनीकी ताकत रो शानदार प्रदर्शन
- स्वामी विवेकानन्द री जयंती काल राष्ट्रीय युवा दिवस रा रूप मांय मनायी जावेलं
- प्रदेश मांय कड़ाका री ठण्ड रो असर— आवता दो—तीन दिन कोल्ड—डे जेड़ा हालात रह सके हैं

000

प्रधानमंत्री कह्या के सोमनाथ स्वाभिमान पर्व केवल ऐतिहासिक गौरव रो उत्सव नी है, बल्कि आवती पीढियां रो सोमनाथ मंदिर यात्रा सूं परिचय कराबो रो मौको भी हैं श्री मोदी ने कह्या के यो पर्व अटूट आस्था अर समर्पण रो पर्व हैं प्रधानमंत्री फूट डालबा वाळां लोगां ने हराबा खातर देशवासियां सूं एकजुट रहबा री अरज करीं

.....

प्रधानमंत्री आज गुजरात रा प्रभास पाटन मांय सोमनाथ स्वाभिमान पर्व री भव्य शौर्य यात्रा री अगुवाई करीं इण दौरान सोमनाथ मन्दिर री रक्षा खातर आप रा प्राणां री आहुति देबा वाळा वीरां रा सम्मान मांय 108 अश्वां री सवारी काडी गयीं वे कह्या की सोमनाथ री रक्षा करबा मांय अणगिनत योद्धा आप रा प्राणा री आहुति दी हीं श्री मोदी कह्या के ओ पर्व केवल ऐतिहासिक वैभव रो प्रतीक नी है, बल्कि ओ सोमनाथ मंदिर री अनंत यात्रा ने भावी पीढियां तांई पूगावां रो मौको भी हैं प्रधानमंत्री कह्या के म्हाकी सभ्यता म्हाने दूसरां ने हराबा री ठौड़ां संतुलित जीवन जीबा री सीख देवे हैं वे कह्या के सोमनाथ घृणा या विध्वंस रो नी, बल्कि प्रेम रो संदेश देवे हैं प्रधानमंत्री कह्या के गजनी सूं ले र औरंगजेब सोमनाथ मन्दिर माथे हमलो कर्यो पण सोमनाथ मन्दिर अक्षुण्ण रह्यो अर केई बगत इण ने फेरु बणायो गयो वठिने प्रधानमंत्री नरेंद्र मोदी आज राजकोट रा मारवाड़ी विश्वविद्यालय मांय कच्छ अर सौराष्ट्र हलका रा दो दिन रा वाइब्रेंट गुजरात क्षेत्रीय सम्मेलन रो भी उद्घाटन कर्यां सम्मेलन रो आयोजन सौराष्ट्र अर कच्छ रे बारे पश्चिमी जिलां मांय निवेश, नवाचार अर विकास ने बढ़ावो देबा रा लगस सूं कर्यो गयो हैं इण मौके प्रधानमंत्री वर्चुअल माध्यम सूं सौराष्ट्र रा सात जिलां मांय फैल्या 13 नुवा ग्रीनफील्ड स्मार्ट औद्योगिक एस्टेट री सरूआत करीं

000

मुख्यमंत्री भजन लाल शर्मा आज जयपुर मांय सामाजिक हलका मांय रुचि रखबा वाळी छात्रावां सूं बजट पैली री चर्चा करीं इण मौके मुख्यमंत्री कह्या के विकसित भारत रा संकल्प रे सागे देश आगे बढ़ रह्यो है अर नारी शक्ति इण रो केन्द्र हैं वणा कह्यो की सरकार महिला सशक्तिकरण ने जीवन रा हर फेर सूं जोड्यो हैं श्री शर्मा कह्या के प्रधानमंत्री मातृ वंदना योजना ने प्रदेश मांय असरदार तरीकां ऊं लागू कर्यो हैं इण योजना सूं 10 लाख महिलावां ने फायदो व्ह्यो हैं श्री शर्मा कह्या के इण संवाद सूं मिल्या सुझाव नीति निर्माण मांय फायदेमंद रहवेलं इण मौके न्यारा—न्यारा महकमां रा आला अहलकार भी मौजूद रहवेलं मुख्यमंत्री एनजीओ, सिविल सोसाएटी अर उपभोक्ता मंच रा प्रतिनिधियां सूं भी बजट पैली रो संवाद कर्यां

0000

जयपुर रा जगतपुरा महल रोड माथे आज सेना परेड री फुल ड्रेस रिहर्सल रे दूजा दिन भारतीय सेना री थल, नभ अर तकनीकी ताकत रो भव्य प्रदर्शन कर्यो गयो इण दौरान सेना री वर्दी मांय कदम ताल करता थकां जोश सूं भर्या जवान अर आसमान मांय मंडराता लडाकू विमान अर हैलीकॉप्टर रे सागे टैंक अर मिसाइलां दर्शकां खातर खास आकर्षण रो केन्द्र रियां रिहर्सल रे दौरान सेना जवान मोटरसाईकिल माथे हैरतअंगेज करतब दिखायां ध्यानजोग है के 15 जनवरी ने होबा वाळी 78 वी सेना दिवस परेड सूं पैली या रिहर्सल परेड राख्यी गयी हैं इण बीच भवानी निकेतन कॉलेज ग्राउण्ड मांय

चाल रिया नो योर आर्मी प्रदर्शनी देखबा उपमुख्यमंत्री दिया कुमारी भी पूगीं मीडिया ने सम्बोधित करता थकां वणा सेना रो आभार जतायों

000

उप-राष्ट्रपति सी.पी. राधाकृष्णन पैली आळा प्रधानमंत्री लाल बहादुर शास्त्री री पुण्यतिथि माथे उप-राष्ट्रपति एनक्लेव मांय वां ने पुष्पांजलि दीं सोशल मीडिया पोस्ट मांय वे कह्या के शास्त्री जी कानी ऊँ दिया नारा- जय जवान, जय किसान केई पीढियां सूं देश रा सैनिकां अर काशतकारां री कानी गहरा सम्मान रो प्रतीक बण गयो हैं मुख्यमंत्री भजन लाल शर्मा भी आप रा सोशल मीडिया संदेश मांय शास्त्री जी ने याद करता थकां कह्या के राष्ट्र कानी वां रो योगदान हमेशा याद कर्यो जावेलां

000

स्वामी विवेकानन्द री जयन्ती राष्ट्रीय युवा दिवस रा रूप मांय काल देशभर मांय मनायी जावेलां इण मौके प्रधानमंत्री नरेन्द्र मोदी नुवी दिल्ली रा भारत मण्डपम् मांय चाल रह्या विकसित भारत यंग लीडर्स डॉयलॉग 2026 रा समापन सत्र ने सम्बोधित करेलां वे इण दौरान करीब 3 हजार प्रतिभागी युवावां सूं संवाद करेलां प्रदेश रा भी लगभग 100 युवा इण डॉयलॉग मांय भाग ले रह्या हैं राष्ट्रीय युवा दिवस रे मौके राज्य मांय भी केई विभिन्न कार्यक्रम राख्या जावेलां राज्यपाल हरिभाऊ बागडे स्वामी विवेकानन्द री जयन्ती माथे बधाई अर शुभकामनाएं दीं वणा स्वामी विवेकानन्द रा बताया रास्ता माथे चालता थकां युवावां सूं "विकसित भारत 2047" री संकल्पना साकार करबा मांय भागीदार बणवा ने कह्यां

000

युवा कार्यक्रम अर खेल मंत्री डॉक्टर मनसुख मांडविया आज नुवी दिल्ली मांय 56 वां फिट इंडिया संडेज ऑन साइकिल मांय भाग लीनां इण मांय देशभर सूं आया युवा नेता भी भाग लीनां ये युवा नेता विकसित भारत यंग लीडर्स डायलॉग मांय भाग लेबा खातर दिल्ली आया व्ह्या हैं इण मांय टेनिस खिलाड़ी लिएंडर पेस अर बैडमिंटन खिलाड़ी पुलेला गोपीचंद भी शामिल हैं श्री मांडविया कह्या के आज 15 हजार सूं बत्ता ठौड़ां माथे संडेज ऑन साइकिल रे जरिये देश रा युवा फिटनेस रो संदेश दे रह्या हैं

000

केंद्रीय संस्कृति अर पर्यटन मंत्री गजेन्द्र सिंह शेखावत वीबी जी राम जी योजना ने मनरेगा योजना सूं बत्ती फायदामंद बतायों वे कह्या के इण नई योजना मांय रोजगार गारंटी 100 दिन सूं बढ़ा र 125 दिन कर दीनी हैं जोधपुर मांय खबरनवीसां सूं बातचीत करता थकां श्री शेखावत ने कह्या के नई योजना रे तैत टेम माथे भुगतान नी होबे तो सरकार पैनल्टी रे सागे भुगतान करेलां

वठिने प्रदेश कांग्रेस कमेटी री कानी ऊँ राज्य रा न्यारा-न्यारा जिलां मांय मनरेगा बचाओ संग्राम अभियान रे तैत उपवास अर धरणो दियो गयो जयपुर मांय दिया गया धरणा मांय शामिल होबा रे पछे नेता प्रतिपक्ष टीकाराम जूली कह्या के बीवी जी राम जी योजना रे तैत अबे राज्यां माथे 40 फीसदी हिस्सेदारी रो बोझ डाल दियो गयो हैं

धरणा मांय प्रदेश कांग्रेस अध्यक्ष गोविन्द सिंह डोटासरा, प्रदेश प्रभारी सुखजिंदर सिंह रंधावा अर कांग्रेस कार्यकर्ता मौजूद रह्यां

000

प्रदेश मांय कड़ाका री ठण्ड रो असर हैं कम ऊँ कम तापमान मांय गिरावट रे चालता आज सुंवारे केई ठौड़ां माथे बर्फ री हल्की परत देखी गई हैं बीती रात राज्य मांय सब ऊँ कम माइनस तीन दशमलव 4 डिग्री सेल्सियस तापमान सीकर जिला रा फतेहपुर मांय दर्ज कर्यो गयो सीकर, झुन्झुनू, नागौर समेत केई जिलां मांय सुंवारे घनो कोहरा छायो रह्यो इण वजह सूं लोगां ने दिखबा मांय परेशानी व्ही, लोगां अर गाड़ियां री आवाजाही माथे भी इण रो घणो असर पड़्यो मौसम केन्द्र जयपुर रे मुजब उत्तरी हलका सूं आ री ठण्डी हवावां रे चालता मकर संक्राति ताई राज्य मांय ठण्ड रो गाढो असर रह सके हैं इण दौरान तापमान मांय 1 सू 2 डिग्री सेल्सियस ताई री गिरावट आ सके हैं

000

राज्यपाल हरिभाऊ बागडे "भारत दर्शन अभियान" रे तैत आज लोक भवन मांय कश्मीर रा बारामुला सूं आया 21 पढनियां रा दळ सूं मुलाकात करीं ओ दल डिप्टी कमांडेड सरोज कुमार झा री अगुवाई मांय भ्रमण माथे हें श्री बागडे आं पढनियां रा भारत यात्रा सूं जुड्या अनुभव सुण्यां वणा पढनियां सूं बातचीत करता थकां वां ने "राष्ट्र प्रथम" री सोच रे सागे जीवन मांय लगातार आगे बढबा ने कह्यां वे कह्या के विविधता मांय एकता सूं जुड्यो म्हाको राष्ट्र 'एक भारत, श्रेष्ठ भारत' री अनुपम मिसाल हें

000

प्रदेश मांय मकर सकांति रे मौके होबा वाळी पतंगबाजी ने देखता थकां चाइनीज मांझा माथे रोक लगा दी गयी हें ये सिंथेटिक अर धारदार मांझा लोगां अर पशुपक्षियां ने नुकसान पूगावो हें इण सूं दुर्घटनावां रो अंदेशो बण्यो रहवे हें पशुपालन अर देवस्थान मंत्री जोराराम कुमावत भी आम लोगां सूं पतंगबाजी रे दौरान चाइनीज मांझा ने काम मांय नी लेबा ने कह्या हें

0000